

Vah Mbanjcuengh, Cingz Bouxcuengh

□ Cinz Lisinh / 覃丽新

Gou dwg dahlwg Mbanjcuengh, youq Mbanjcuengh doekseng, caemh youq Mbanjcuengh majhung, doiq gij vah ranzmbanj, gou miz faenh cingz vit mbouj ndaej, gvej mbouj goenq ndeu. Hoeng, raemx coh giz daemq lae, vunz ra giz sang byaij. Youq bi 2014 ndwen 8, gij siujyoz ndaw singz ciuaeu lauxsae, gou doenggvaq gaujsi, miznaj baenz boux lauxsae Hinghbinh Gih Minzcuz Siujyoz, bienqbaenz boux lauxsae ndaw singz gyoengq vunz lajmbanj gig hozhaenz.

It

Seiz youq lajmbanj, hai dou haep dou, doxgangj doxdongx, vunzmbanj cungj gvenq gangj gij vah ranzmbanj. Hoeng, haeuj ndaw singz hwnjban, gij gvenq gou couh ciemhciemh bienq lo: Ok dou cawx byaek, hwnj haw guhcaemz roxnaeuz bae cawx doxgaiq, gig noix raen vunz gangj gij Vahcuengh rwz sug youh ndeidingq, gyoengqvunz cungj gangj Vahgun lai; ndaw hagdangz hwnjdangz gvidingh aeu gangj Vahgun.

Miz duenh seizgan raezrangrang ndeu, mbouj ndaej gangj vah ranzmbanj, gou bouxvunz couh lumj dai bae buenq ndang nei, ngoenz gwn mbouj feih haemh ninz mbouj ndaek, doenghboux doengzsae cungj naeuz gou dwg aenvih mbouj gvenq youq ndaw singz cij nauh baenz. Yiengh-neix ngoenz bae ngoenz dauq, gou cij ciemhciemh gvaq ndaej roengz youq ndwenngoenz noix gangj vah ranzmbanj.

Hoeng, moix daengz couhmoz, gou cungj aeu dwk dienhvah hawj daxmeh, gingging gij saeh fatseng

youq ndaw hagdangz. Hix cij dwg youq seizneix, gou cij ndaej aeu Vahcuengh gou maij gangj haenx caih gangj caih ging cungj mbouj rox gaeuq, ndawsim roxnyinh rimhoz caemhcai q angqyangz.

Ngeih

Ngeix hwnj ndwen daih'it ngamq daeuj ndaw singz hwnjban, bae cawx byaek loek aeu Vahcuengh cam boux-gaibyaek seiz, loengh ndaej boux-gaibyaek gyaengjngwdngwd, mbouj rox gou gangj maz. Caj gou ngeix gvaqdaej le youh aeu Vahgun dauq cam baez he, yinx ndaej de cungj riuha.

Mizseiz ra mbouj ndaej byawz daeuj gangj Vahcuengh, gou seiz mbouj seiz couh dwk dienhvah caeuq daxmeh gangjgoj, baez dai couhdwg yaek aeu aen cungdaeuz baedauq. Daxmeh dwg boux gvaq gvenq gij ndwenngoenz gungzhoj, bingzseiz mbaet gwn mbaet yungh, guh maz cungj aeu geq cienz gvaq ndwenngoenz. Ndigah, ngamq dwk dienhvah hawj daxmeh ndaej song sam aen singhgiz, moix baez dwk dienhvah ngamq gangj ndaej geij faencung, daxmeh couh gaijnaeuz ndawranz hong nyaengq lai, mbouj ndaejhoengq caeuq gou gangj nyaenx lai, heuh gou mbouj miz maz saeh hung couh noix dwk di dienhvah hawj de.

Gou rox aen sim daxmeh, de mbouj dwg mbouj ndaejhoengq, dwg lauhei q sai ngaenz dwk dienhvah daiq lai, sim'in gij cienz dahlwg. Doek-laeng mboujguenj ciet iq ciet hung, gou cungj caenhliengh ra seizgan dauq ranzmbanj cunzcunz bohme, byaij-byaij diuz loh ndaw mbanj gou sug

youh louzlien haenx, cetcet aen suenbyaek ce miz gij rizdin angqyangz gou gvaq.

Sam

"Ai, gou yaek iek dai lo! Banhaet cij gwn aen mbacwng ndeu, seizneix couh yaek daengz banringz lo, gou lij caengz ndaejhoengq gwn ngaiz dem..... Aiyo! Gaej gangj cungj vah'ienq neix, coegrwz lai lo....."

Ngoenzneix dwg couhmoz, mbwn ndei simcingz sangj, gou aeu ci doi daeglwg iq okdaeuj dak ndit, swnh-bienh daeuj haw lauh. Byaij haeuj aen sanghcangz bakdou mbouj nanz, gou couh dingqnyi sing mehmwbk he aeu vah ranzmbanj—Vahcuengh cingq cie p dienhvah, gij vah gangj ndaej miz saek miz yiengh, raeuzrwrwd youh miz di daeuq vunz, gou dingq le cibfaen hwnjyinx. Dingqnyi gij sing-yaem vah ranzmbanj, ndawsim gou sikhaek roxnyinh raeujrubub, gig doxndiep. Ndigah, gou couh dengj aen ci iq daeglwg, coh gij sing Vahcuengh cienz daeuj haenx byaij bae.

Byaij daengz aen dan gai gij doxgaiq ndangdaenj mehmwbk, gou raen boux mehmwbk cungnienz cingq ndaep aen soujgih yaek cuengq haeuj ndaw daehmbeq bae. Raen miz bouxhek daeuj, de naj riunyumnyum gig yiedcingz dwk couh heuh gou byaij haeujbae yawjyawj, miz geu habhoz couh swnhbienh dawz bae sawq daenj, mbouj cawx hix mbouj youqgaenj.

Ngoenzneix ndaejhoengq couh swnhbienh daeuj haw lauh baez he, siengj mbouj daengz ndaejnyi gij vah ranzmbanj gou gig nanz mbouj ndaejnyi bouxwnq gangj, ndawsim

gou youh angqyangz youh vuenheij. Ndigah, dai ndaw ci umj hwnj daeglwg, gou couh simgip caemhcai q gikdoengh dwk dongx de: "Dahcej, ngoenzneix seng'eiq ndei lai lo!"

Raen gou baenzneix gangj, de daengx da aj bak dwk yawj coh gou, hoeng youh sikhaek riunyumnyum caeuq gou gangj: "Ndei a, gij seng'eiq gou ngoenzngoenz ndei, daengx ranz gou couh baengh gou hai aen bouq neix gai gij ndangdaenj mehmwbk gvaq saedcej ne."

"Dingq gij vah mwngz gangj, mwngz hix dwg vunz Vujsenh ba?" Gou cie p dwk youh cam.

"Nanzdauh mwngz hix dwg?"

"Dwg ha, gou caeuq daeglwg iq neix cet byaij gvaq gizneix, couh dingqnyi mwngz aeu vah ranzmbanj cingq caeuq bouxwnq doeng dienhvah, ndigah gou couh byaij gvaqdaej yawjyawj.

"O! Ndae j youq gizneix bungz vunz ranzmbanj, caen angqyangz lai lo. Ndawranz gou dwg gou cie q hung, mwngz beij gou iq lai, gou cungj mbouj roxnaj sou ban oi q neix lu!"

Ging dwk gangj dwk, gangj dwk ging dwk, dou couh roxnaj lo, miz gangj miz riu gangj daengz sanghcangz yaek gven dou bae. Dou cek fwngz seiz, gaenq doxce gij dienhvah hauhmax, lij iu naeuz baezlaeng ndaejhoengq seiz couh okdaeuj gangjgoj roxnaeuz guhcaemz.

Caen dwg gya eu mbouj gya eu, aen mbanj raeuz; caen mbouj caen, vunz caemh mbanj ha! Neix couhdwg faenh cingz ranzmbanj naekna gou, neix couhdwg gij cingz Bouxcuengh gou.

Meh Sienhsoh Lwg Hauqswnh

□ Banh Vwnzcingh / 潘文清

Roek、Veiyi gietdingh:

1. 7 beixnuengx 7 aen ranz, dai bi 2016 ndwen 9 ngoenz 1 hainduj, moix ndwen doxlwnz ganq 5 ngoenz, daegdaih ndwen 9 ngoenz 1 daengz ngoenz 5, daenggeih ndwen 9 ngoenz 6 daengz ngoenz 10, daegsam ndwen 9 ngoenz 11 daengz ngoenz 15, daegseiq ndwen 9 ngoenz 16 daengz ngoenz 20, daeghaj ndwen 9 ngoenz 21 daengz ngoenz 25, daegroek ndwen 9 ngoenz 26 daengz ngoenz 30, daeg-caet ndwen 10 ngoenz 1 daengz ngoenz 5. Ndwenbyai doxlwnz daengz byawz ganq, couh bau daengz ndwen sat. Couh baenzneix doxlwnz roengz-bae.

2. 7 beixnuengx dwg bouxvunz cigciep cwzyin he, aeu ganq ndei, baujcwn gij saedcej daxmeh gvaq ndaej onjdingh. Danghnaeuz miz maz cingzgvang cigciep dai den va lwnh beixnuengx wnq nyi.

3. Daxmeh moix ngoenz gigwn, mbouj ndaej noix gvaq 10 maenz, ngaenz meizgi, ngaenz dienh ngaenz raemx, dai ndaw ngaenzgoek daeuj gaeu.

4. Ciuq seiz ciuq liengh boiq gwn, bang daxmeh hwnqcong swiq-ndang, baujcwn gij swngghoz cizlieng daxmeh.

5. Danghnaeuz yaek aeu dingjban, yaek baujcwn boux dingjban ganq ndaej ndei, caemhcai q youz boux heuh dingjban moix ngoenz ok 30 maenz hawj boux dingjban. 30 maenz faen baenz: Gijwn daxmeh sai 10 maenz, boux dingjban aeu 20 maenz.

6. Ciuq gij byauhcu nj ging-laujyen daeuj ganq, yiemzgm q boux cigban seizbienh lizgyae.

Faenh 《Veiyi Giyau》 neix, gizsaed couhdwg faenh gveigawj ginglaujyen ndawranz he, mboujdan h



Vaswjgingh Liujcouh gya unde i lumj fwjhaemh.

Veiz Ginhcungz ingj.

lozsiz cwzyin, vanzlij mbouj saet gij cingz gyoengq beixnuengx. Ganq mehlaux bouxboux miz faenh, bouxboux okrengz, byawz hix duet

mbouj ndaej. Meh Daeg'anh couh yienghneix youq ndawranz vuenyungz yiengjsouh bigeq.

(sat)